

O Regulamento de prácticas académicas externas da Universidade de Santiago de Compostela (USC), aprobado polo Consello de Goberno do 29 de xullo de 2015, establece no seu artigo 5 que a USC poderá convocar prácticas externas extracurriculares a través do Consello Social da Universidade, ademais da vicerreitoría competente, dos centros, do FEUGA e doutras entidades xestoras habilitadas. A duración das ditas prácticas externas extracurriculares organizadas polo Consello Social da Universidade será dun mínimo de 125 horas (5 ECTS) e dun máximo de 750 horas (30 ECTS) considerando unha equivalencia de 25h/ECTS.

No artigo 27 do dito Regulamento de prácticas académicas externas da Universidade de Santiago de Compostela (USC) establécese que a administración universitaria, os centros e as estruturas de investigación da USC, ademais das empresas ou entidades que estean participadas de forma maioritaria por esta, poderán ser receptoras de estudantes en prácticas. Con carácter previo á realización destas prácticas debe de existir unha solicitude do órgano convocante das prácticas (neste caso do Consello Social da USC), un informe da unidade receptora de alumnos en prácticas (no caso de unidades administrativas, este órgano será a Xerencia) e a aprobación do acordo de prácticas por Resolución Reitoral ou polo órgano no que se delegue.

Á vista da proposta do Consello Social da USC, unha vez recibida a comunicación de D. Antonio Mouriño Mosquera, Director do Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais Deseño, Síntese e Avaliación Médica de Compostos Bioactivos e Novos Materiais da Universidade de Santiago de Compostela, de 13 de setembro de 2018, polo que manifesta a súa disposición a recibir alumnos/as en prácticas de todas as titulacións oficiais impartidas na USC no Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC

**Esta Reitoría resolve,**

1. Autorizar a realización de prácticas académicas externas extracurriculares dos/as alumnos/as de todas as titulacións oficiais impartidas na USC nas instalacións do Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC e nas distintas instalacións onde o grupo realice as súas actividades de investigación, previa autorización dos responsables das ditas instalacións.
2. Establecer o seguinte réxime de prácticas académicas externas extracurriculares:
  - Os horarios de realización das prácticas estableceranse de acordo coas características das mesmas e as disponibilidades do Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC. Deberán ser compatibles coa actividade académica, formativa e de representación e participación desenvolvida polo estudante na universidade.
  - As prácticas realizaranse no período que determine o Consello Social, de acordo coa dirección do Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC, e deberá concretarse na oferta de prácticas.
  - As prácticas a realizar polo alumnado terán relación coas liñas de investigación nas que traballa o Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC.
  - Estas prácticas non comportarán compensación económica e non implicarán ningún tipo de relación laboral coa Universidade nin determinarán a existencia de ningunha responsabilidade pola súa parte.
  - Os/as alumnos/as que van realizar as prácticas externas extracurriculares serán seleccionados consonte unha convocatoria que respectará os principios de publicidade, igualdade, obxectividade e mérito. Tamén será requisito do alumnado o de non ter cuberto o número máximo de créditos de prácticas



externas extracurriculares nin ter realizadas as prácticas extracurriculares no mesmo centro receptor en convocatoria precedente, agás que a actividade a realizar sexa nun programa diferente, nunha unidade ou dispositivo diferente ou non superase o límite máximo de horas nese centro, e o de non ter realizado o depósito do título. Os alumnos seleccionados deberán matricularse nos prazos establecidos na resolución de adxudicación das prácticas; de non facelo entenderase que desisten da súa realización.

- Por cada alumno/a que realice as prácticas no Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC deberán completarse os datos solicitados no *Modelo para cubrir os datos específicos das prácticas académicas externas autorizadas por Resolución Reitoral a realizar por parte de estudantes desta Universidade*, que figura como anexo a esta resolución.
- A Comisión con competencia en prácticas do centro no que estea matriculado o alumno nomeará a un titor académico, que realizará o seguimento das prácticas dos estudantes. Así mesmo, o Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC deberá nomear un titor desta área para supervisar as prácticas realizadas polo alumnado.
- Ao finalizar cada período de prácticas cada estudante deberán desenvolver o proxecto formativo e elaborar unha memoria final sobre o realizado.
- A avaliación das prácticas realizaraa a USC ao través do titor/-ra académico/a, á vista da memoria final e do informe do titor/-ra de prácticas externo das dependencias nas que realizou as prácticas.
- Para avaliar favorablemente as prácticas ao estudante, este non poderá ter unha ausencia superior ao 15% das horas programadas, ou o que determine a guía docente do programa de estudos.
- Cando a avaliación da memoria sexa positiva e o informe da actuación do alumno/a favorable, o responsable do Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC emitirá por cada estudante, que participase con regularidade nas prácticas externas, unha certificación na que constará o tempo de colaboración e as actividades e tarefas realizadas. A certificación deberá especificar que, só surtirá efectos académicos, logo da avaliación do titor académico da USC
- O alumnado menor de 28 anos segue baixo a protección do seguro escolar. Non obstante, no caso de prácticas nas que conorra un risco excepcional, deberá contratarse un seguro de accidentes.
- Para calquera situación non contemplada nesta Resolución estarase ao indicado no *Regulamento de prácticas académicas externas da USC*, aprobado no Consello de Goberno do 29 de xullo de 2015.

Santiago de Compostela, 2 de outubro de 2018

O Reitor



Antonio López Díaz





## ANEXO

### MODELO PARA CUMPLIMENTACIÓN DOS DATOS ESPECÍFICOS DAS PRÁCTICAS ACADÉMICAS EXTERNAS EXTRACURRICULARES ORGANIZADAS POLO CONSELLO SOCIAL DA USC AUTORIZADAS POR RESOLUCIÓN REITORAL A REALIZAR POR PARTE DE ESTUDANTES DE TITULACIÓN OFICIAIS DESTA UNIVERSIDADE CURSO ACADÉMICO 201...../201.....

Os abaixo asinantes manifestan que leron e aceptan as condicións e compromisos establecidos na Resolución Reitoral do 2 de outubro de 2018 da Universidade de Santiago de Compostela que autoriza a realización de prácticas no Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC, e fan constar a seguinte información:

1.- Tipo de prácticas:  Extracurriculares

2.- Estudante beneficiario

Apelidos e nome:

.....

DNI .....

O/a estudante declara estar ao corrente no pagamento do seguro escolar para menores de 28 anos ou ter contratado un seguro de accidentes no caso de prácticas nas que conorra un risco excepcional.

3.- Titulación na que está matriculado o estudante

.....

4.- Centro/Dependencia e localidade onde se desenvolverán as actividades:

.....

.....

5.- Titor académico:

D/Dona.....

con DNI.....

6.- Titor externo do Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC:

D/Dona.....

con DNI.....

7.- Duración das Prácticas Académicas Externas (dd/mm/aa): do..... ao .....

Nº total de días: .....Horas/día: .....

8.- O réxime de permisos será acordado polo Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC e o estudante, e deberá adaptarse ás normas que a Universidade poida establecer. En todo caso, deberán respectarse por parte do Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC as obrigas de asistencia á Universidade motivadas polo cumprimento da actividade académica e formativa, así como de representación e participación dos estudantes.

10.- O Obxectivo educativo destas prácticas é que o estudante aplique e complemente os coñecementos adquiridos na súa formación académica, favorecendo a adquisición de competencias que o preparen para o



exercicio de actividades profesionais, faciliten a súa empregabilidade e fomenten a súa capacidade de emprendemento.

**11.- Proxecto formativo das prácticas (actividades, competencias, obxectivos específicos, etc.)**

O proxecto formativo será acorde coa titulación oficial na que esté matriculado o alumnado e reflectirase neste apartado do anexo de maneira individualizada para cada alumno/a e práctica académica externa extracurricular.

**12.- Sistemas de avaliación e control:** O titor académico, á vista do informe do Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC e da memoria final do estudante, avaliará as prácticas desenvolvidas tal e como se establece no artigo 25, apartado 4 do Regulamento de prácticas académicas externas da Universidade de Santiago de Compostela, aprobado polo Consello de Goberno do 29 de xullo de 2015.

**13.- O/a estudante comprométese a cumprir coas seguintes obrigas:**

- a. Incorporarse na data acordada e cumprir o horario previsto no Anexo.
- b. Cumprir e respectar o sistema organizativo da entidade.
- c. Gardar o debido sixilo respecto dos asuntos que coñezan na súa tarefa.
- d. Cumprir e respectar as normas de seguridade e prevención de riscos laborais da entidade.
- e. Cumprir con dilixencia e boa fe as actividades acordadas coa entidade colaboradora.
- f. Calquera outro deber previsto na normativa vixente, nos convenios de cooperación educativa asinados entre a USC ou entidade xestora de prácticas e a entidade colaboradora e, a entidade xestora de prácticas vinculada á mesma, coa entidade colaboradora.

O que se asina, por triplicado exemplar, en....., a.....de.....de 201.....

O Titor Académico,	O Titor polo Grupo de Investigación GI-2105 Deseño, Síntese e Avaliación Médica de Compostos Bioactivos e Novos Materiais da USC	O alumno/a,
Asinado: .....	Asinado: .....	Asinado: .....